

# Te Roopu Aroha ki te Reo

Waahanga 1, wiki 9



He maungarongo ki runga i te mata o te whenua  
He whakaaro pai ki nga tangata katoa.  
Nga whakawhetai ki te runga rawa  
Kia tau aana manaakitanga ki runga i too taatou Kiingi  
Ki nga mate o te waa, moe mai raa  
Ki a koutou te whaanau teenaa koutou katoa.

## Haro hikaka!

E taatou maa kua tae ki te waa e hoki mai ai a Haro, anaa e hikaka ana taatou katoa. Koia te puna o te miharo naa te rawe rawa atu o aana kaupapa ako.

Ka poowhiri a ia ki nga tamariki katoa ki te haere ki tana taraka, ka noho ki a ia, ka rukuhia eetahi koorero, eetahi mahi haangai puu ki aana kaupapa ako. Ko nga rongo o te ngaakau te kaupapa ako maa nga teina. Ko te oranga o te tinana me te hinengaro te kaupapa hei rukuhia e nga tuakana. Kaahore e kore he hua e puta mai ai maa teenaa, maa teenaa.

I runga i teenaa e taatou maa, he reo karanga hoki teenei. He utu hei tautoko nei i nga akoranga o Haro. \$4 maa ia tamaiti o Meremere, aa, \$6 maa ia tamaiti o Tawera, o Matariki raanei. Teenaa e taatou maa, tukuna mai te puutea inaa e taea.



“He tino pai te haere ki Haro i te mea i awhi ahau i a Haro.”

*Naa Koa van Hoppe*

I ako maatou e paa ana ki nga kare-aa-roto kia tohu meenaa kei runga ake, raro raanei i te raina.

*Naa nga taamariki o Meremere.*



## Maa o kupu too ao e whakairohia...

Kei whea mai nga kupu hei whakamihi i nga pukumahi o aa taatou tamariki. Ia Raatuu, Raapare me te Raamere whai muri i te waa kori poto ka tuuhono teetahi ki teetahi ki te paanui i te pukapuka. He tino whai waahi teenei maa nga tamariki ki te whakaharatau i te whakahua o te kupu taa raatou i paanuitia ai. Ko taa te tuakana mahi he taurira i te rere pai o te reo kia rongo ai te teina i te reo rere pai. Ko taa te teina te whakapaukaha kia pakari ake ai nga puukenga. Koia kei a raatou katoa moo te paanui i te kupu. Maa teeraa eetahi aahuatanga o o raatou ao e whakairohia. Ka ngangaro!



*Ko Sadie raaua ko Aliana.*

*Ko Kowhai raaua ko Tawera.*



*Ko Wai Ariki raaua ko Pania.*

*Ko Moana raaua ko Chase*



## Hii, haa ki Whatawhata ...

I runga i teetahi karanga rooreka rawa ngaa pakupaku i puta atu ai ki te Kura o Whatawhata korikori ai. He rangi wera, he rangi roa, he rangi tino pai. Ko te whakapakari tinana te tino take i haere ai taatou. I whakaharatau ngaa puukenga whiu, ngaa puukenga karo, me ngaa puukenga mahi tahi. Ka nui nei ngaa mihi e rere ana ki ngaa maatua i tautoko mai maa te hautu waka, maa te taurira mahi me te karanga kupu akiaki hoki. Kei runga noa atu te mahi, kei runga noa atu te tautoko, kei runga noa atu me rangi!



## Kia hiwa raa..!

- 🚩 Western Cluster Kauhoe
  - Thursday 15 March
- 🚩 RAS - Whakaahua/Photo day
  - Tuesday 27 March
- 🚩 Whakawhanauanga me Noorea
  - Thursday 29 March
- 🚩 Easter
  - Friday 30 March -Tuesday 4 April
- 🚩 Western Cluster Softball
  - Friday 6 April
- 🚩 Last day of Term
  - Friday 13 April

## E kore rawa te kumara e koorero moo toona reka, heoi....

I taua rangi e mihi ana taatou ki Popoto, te aihe -ā-Maui i te kiki te manawa i te whakahihi naa te reka nei o te kumara. I te maaia te tuu, i te rooreka te reo waiata, i te nui te tautoko. Teenei te reo e mihi ana ki a taatou kotoa i tae a tinana, i tae a wairua ki te tautoko i te kaupapa.

I roto i eenei akoranga i rukuhia ngaa akoranga moo Popoto e Te Roopuu aa, kua oho ake nei te ngaakau, te wairua me te hinengaro ki te tamaiti o Tangaroa me te mate kino nei e whakararuraru ana i a ia. Ka waananga tonu maatou kia mau, kia ita.

Heoi, hei taapiri atu he tino mihi maiora e rere ana ki a Matua Simon, a Matua Iti me Matua Hikairo. Naa raatou ngaa mata i taa kia Maaori ake ai te tuu. Teena koutou i oo koutou toki koi. Nei raa hoki te mihi mutunga kore ki te wahine tino pukumahi, naana taatou i whakarite kia tino tutuki pai ai te taha kahi kapa. Teena koe e Whaea Corrina me oo werawera kua heke i roto i aua whakaritenga. Nei raa hoki te kupu mihi ki a taatou katoa i koha mai he tautoko, teena taatou katoa.



## Ngaa mihi nui, naa ngaa kaiako o Te Roopuu